

YAKOOBA

wadga han da hɔd kee

— B' ba wadgankenan bii —

Yakooba hɔda wadgankena l' hɛl Krista tiibee mɛmbee. H̄a hɔda-ka l' kpaa boo weriibn, h̄a gwɛɛla rarm tia gwɛɛlb. H̄a hɔda-ka ka rɔɔ Krista tiiba neerm, ban neer n taa lee, n ban ta neer n bá kpaɛn na Krista tiiba bee lee.

H̄a sɔgiigan, Yakooba bɔhɔɔ saɛ na rarbiilm rɛna Sangband man. L' ka ba na bá gbaam-m Sangband n gwɛɛt hɛn tiim (1.1-8).

Tii kaann, h̄a to hagla katɛdga n kwɛgdm jugun, n tarmga n ηmɛgiib jugun, n nan gobiint sangbantiit jugun. H̄a bɔhɔɔ na sangbantiit ba nida hɛbn (1.9-27).

Lee, h̄a ka kpal raarb b' ba kpaturun bii (2.1-13), n nan hig h̄a diila mɔma jugun na gwɛɛt hɛn tiim rorm wiingan nida ηmɛɛgtn (2.14-26).

Lee n l' kaann, h̄a ree bɛhɔɔ gelmga nn hɛna kuu (3.1-12), n ηmɛtgn rarbiilm gwɛɛt jugun (3.13-18). H̄a ta kpalm bá kena n kpala nidba huuga bee (4.1-6). B̄a ba na tantntina hɛn tiiban, bá ka ηmɛta ka yaa n bá teelba (4.7-12).

Tii n t' kaann, h̄a bid kwɛgdm tiiba bá ηmɛhɛɛ bá ηmɛɛheedba bee jugun (4.13-5.6). Lee, n fɛl ka gbaama kwɛɛwdeb n seenɔb n Vohoom tɔrgm (5.7-20).

Seenɔb

1 ¹ Man nii Sangband n Berm Yeesu Krist bá ηmɛɛheed Yakooba. Mà h̄oora ka seenɔa n' mɛmbee, nen, nen ba na sangbantiiba ka yadr taa kpeee n tant nen.

Sangbantia beeb kunyɔɔn

² Mà teelba-n, nyaagm-n kpaalaa kunyɔɔn baa la teku wen luur n' hɛn lee wen! ³ N' miil h̄om na n' gwɛɛt hɛn tiim tarmb hafila-n.

525

Yakooba 1

⁴ Gwentaf, l' ba na nida di tarmbii jugun kpaalaa, ka bo na h̄a bɛm h̄omwu kpaalaa, ka kpaɛn n bɛhɔɔ kuugu, bii kpaa fad-wu felaf'.

⁵ Ka rarm fad n' ni hii, h̄a gbaam Sangband! D' ba d' si-wu-m. Dii saɛl nidba mɛmba yem ka kpaa kpal. ⁶ Lee, l' ba na h̄a gbaam ka ba n tiim ka kpaa nigaa. Biilm, hii h̄a nigaa wii boo nyaam wadr. H̄am via-d ka vuudra rena n rena. ⁷ Welee nidwii daa diilgm na h̄a ba h̄a bee h̄a sohdɔɔ bii Saberma nuhun. ⁸ H̄ii nii h̄a ba mreɛf', h̄a ligwa yem h̄a ηmɛɛgt mɛntn.

⁹ L' ba na kunyɔɔtia nyɔkm hayen na Sangband via-wu n faaga. ¹⁰ L' saa kwɛgdm tii wii nyoka hayen na d' hohla-wu n tija. Biilm, h̄a nan geta wo *kpam moogu fiigu*. ¹¹ Muunu rɛnn, h̄u wen biir, h̄u hohm mooguu kú kparɔ, *kú fiigu t tɛhd, kú kwɛɛlm t boorm*². Ta welee nii In ba n kwɛgdm tia. Welee nii han nan ku ka hɛna h̄a ηmɛɛgt.

Hahlgm-n ηyen n ηmɛgiib!

¹² Lamɛɛgu tii nii nid h̄a ju kunyɔɔn jugun wii, l' kɔtɔd na In tarma-wu lee, h̄a kee h̄a sohdɔɔ jugun deb degrga, kee nii neerm Sangband nn saɛ wo fat mii. D' da beda na d' nan saɛl-m biiba bá sɔkla-d bee. ¹³ Ka l' ηmɛgii n hii, h̄a daa bɔhɔɔm na Sangband ηmɛgaa n wun. Bii kpaɛn b' bee b' hɔgl Sangband na d' he bii bɛhb. L' saa, dii mɔmr ta kpaa ηmɛgaa n hii. ¹⁴ Tyen t' nɔmvuurhu dada-t ka ηmɛgaa n tn ka hogla-t. ¹⁵ H̄un kadaa nida hɛn lee, n kit fubɛhga. L' saa fubɛhgee t berɔ n daan n kuum. ¹⁶ Mà teelhɔmba-n, l' daa saa na n' fiwdɔɔ! ¹⁷ Wanhɔmtii mentii rɛnna Sangband man. D' saɛl want t' ba h̄om kpaalaa tii. Dii nii sangbambiimn wiinga reeta. Dii kpaa dama. D' kpaa ked wo muunu huu nn saa-t nyeetn liilawen lee. ¹⁸ Dyen d' sɔklbn nii dn her t' kit d' bii ka tagaa n d' gwɛɛt hɛn. Tii nii gobiint gwɛɛt. D' hɛra welee na t' bɛm noogrba bii kwɛɛlb dn ree bii huuga.

Ya

Neer-n wo Sangband gwɛɛt nn gbaama lee!

¹⁹ Mà teelhɔmba-n, deer-n h̄om man bo na mà biir-n tii! L' ba na n' bɛm keliigu na n' kewlgm gwɛɛt ka kpaa laɔwa gwɛɛlb man, ka ta kpaa hɛna kwɛɛwweerga weem. ²⁰ Nid h̄a ba n kwɛɛwweerga wii kpaa hɛna bii h̄omb Sangband nɔngan. ²¹ Welee kaa, kɔhdɔɔ-n bii b'.

1.10-11 Nyaan Yum90^{gan}.5-6 n Yum102^{gan}.12 n ta Yum103^{gan}.15-16.

hawla bii mɛmbii n bɛfɛgu kú ba n`ni kuu mɛnguu! Lee, n`sofɛdg n kwɛɛwhɔmr Sangband gwɛɛt In lo n`kwɛɛwan tii, na t`ba n gemmt na t`daɲ n`juuni.

²² Daa bagm-n na n`kewlɛgm Sangband gwɛɛt kewlufh'! Lee, hɛm-n-t n ɲmɛɛɔb, ka lag welee n`hogla ɲyen. ²³ Ka hii kewla gwɛɛt kewlufh ka kpaɛ hɛna-t n ɲmɛɛɔb, hà tɔna nid há geewa hayenwu diigun ka yu há nɔnga, ²⁴ há wen nyabla hayen n diiguu n tur n hɔɲ han ba lee. ²⁵ Tii lee, hii há nyila *bahlbii ka nawr n bn wii, ka hom n ka deer b`hɛn ka hɛna wo bn gbaama lee, welee nidwii nan ba hà bɛm lamɛɛgun han hɛna bii mɛmbiin. Bahlbii beel hom kpaalaa, bii rea nidwu sargan.

²⁶ Ka hii diila na wii nii sangbantia ka kpaɛ jahwa há noon gwɛɛt, hà hogla hayen, há sangbantiit beebii ba yem. ²⁷ Sangbantiit beeb b`ba hom Sa Sangband nɔngan bii ba *kel kel ka kpaɲ n taku, bii nii na bá kiigm kunyɔɲbii n kunfɔɔba jugun bá kunyɔɲun, ka mad bayen n tantntina hɛn neerm.

Há tia Sangband hɛn wii kpaɛ baal hà niinin tiiba

2 ¹ Mà teelba-n, wo nn tia t`Berm Yeesu Krista hɛn na wii hefl n bermt mɛnt lee, daa room-n n`niinin tiiba! ² Tn kɛɛml-n gwɛɛtntina! Ka nidba barehba t daan n jib n`kpoglb disakun, bilma fidr dimberma dimt ka lo sika nabtorga, volwii ba na katɛdtia ka fidr dimsaat t`ba nakakeet, ³ n`niini t kulii há fidr dimberma dimt wii jugun, n`bɔhɔɔ-wu na: «Taa maara, hai! Daan v`kad nnaɲ jargan!» Lee, n bɔhɔɔ há fidr dimsaat wii na: «Vii jɛnt nnaɲ', laa kad laɲai tiɲan!» ⁴ Ka n`hɛna welee de, ¿n`kpaɛ baal n`niinin tiiba nii? ¿N`kpaɛ nima nidba nii?

⁵ Mà teelhɔmba-n, kewlɛgm-n! ¿N`kpaɛ mi na Sangband da bantɔ bá ba katɛdga tantntina hɛn bee na bá tii Yeesua hɛn bà kitɔ gwɛɛt hɛn tiim kwɛɛgdm tiiban? ¿N`ta kpaɛ mi na bee nan soɲda *sangbambiimn huraantn²? Biilm, d`da beda na dii nan tɔɔ huraantii bá sokla-d bee. ⁶ Ka l`ba welee waa, ¿ben kaa nii nn hɔɲla katɛdtiiwu n tiɲa? ¿Lag kwɛɛgdm tiiba ɲmɛdra-n? ¿Lag bee saml-n huraamba man? ⁷ Ka bà hɛna-n welee de, ¿bà kpaɛ kɔɲla Sangband hidr nii? ¿Bà kpaɛ kɔɲla Yeesua hidhɔmr ban baɲdg-n dii nii?

2.5 Nyaan Lukaasa 6.20.

⁸ Ka n`vala *Sangband bahlb wo In hɔɔd bahlb wadgan na, *soklm v`nidtuur wo vn sokla v`mɔm vyen lee*, n`hɛna tii nii. ⁹ Gwɛntafaa, ka n`ro n`niinin tiiba, n`hɛna fubɛɲga. Sangband ba d`dar n`toɔr na n`ba valg bahlb. ¹⁰ Ka hii vala Sangband bahlbii mɛmbii, n dan n titm n byenbii, hà kɔɲl b`mɛmbii Sangband nɔngan. ¹¹ Biilm, há bed na *daa yaruum* wii, ta yenwii ta beda na *daa ku nida*. Ka v`la ba hɛ yaruub, ka ku nida, miim na kɔɲl bahlbii mɛmbii!

¹² Welee lee, nn ba n`bɔhɔɔm tii mɛntii laa, nn ba n`hɛm bii mɛmbii, deer-n na Sangband nan yaa-n n yaagu, ka tagd bahlb b`rea nidwu sargan bii. ¹³ Ka hii kpaɛ yu volba higm, Sangband nan ta kpaɛ yu há higm yaagu yaam goor. Lee, ka v`yu vola higm, fɔbɛɲgu nan kpaɛ kuu-v yaagu yaada nɔngan, l`kɔtɔd na higm nyaanb yata yaagu.

Nida ɲmɛɛgt weraa na hà ba n gwɛɛt hɛn tiim

¹⁴ Mà teelba-n, ka hii bɔhɔɔ há noon n jah na hà tia Sangband hɛn ka kpaɛ hɛna ɲmɛɛgt t`weraa welee tii, ¿hà way kan bee? ¿Welee gwɛɛt hɛn tiimii bee m`daɲ há jugu?

¹⁵ Tn kɛɛml-n gwɛɛtntina! Ka n`teelhii ba kunyɔɲun ka kpaɲ n dimgu, ka ta kpaɲ n diit na hà di, ¹⁶ n`ni hii t bɔhɔɔ-wu na: «L`hera nii! Heg dimr, v`di l`teg-v!» Ka há biir welee n jah n ka ba si-wu bii han halwa bii, ¿kunyɔɲtiwii way kan bee? ¹⁷ L`ta ba yenmii n gwɛɛt hɛn tiim, l`kɔtɔd na ka hii bɔhɔɔ na hà tia Sangband hɛn ka kpaɛ hɛna ɲmɛɛgt t`weraa welee tii, halaha gwɛɛt hɛn tiimii ba yem.

¹⁸ Ka tiit, hii ba hà biir na hà ba n gwɛɛt hɛn tiim, vola biir na hà ba n ɲmɛɛhɔmt. Lee, maa gbaam noogrui na: «Werii-ma lan nii vn tia Sangband hɛn ka kpaɛ hɛna ɲmɛɛgt t`weraa welee tii! Man lee, ɲmɛɛgt man hɛna tii ba t`werii-v na mà tia Sangband hɛn.»

¹⁹ Tia na Sangband dyend beeln, tii nii. Kunidba mɔmba ta tia welee ka deɲra n fɔbɛɲgu. ²⁰ Joojooɲu ven! ¿Bagl na bá werii-v na ka v`tia Sangband hɛn ka kpaɛ hɛna ɲmɛɛhɔmt t`weraa welee tii, na v`tiimii ba yem? ²¹ T`yandaa *Habrahaam waa, ¿l`da her lan Sangband hɔɲaa-wu na hɔma? ¿Hà da ba lɔɔ há kwɛɛl *Yisɲaak na hà vidaa? ¿Lag ɲmɛɛɔb han da her bii kaa nii dn hɔɲ-wu na hɔma? ²² Miim welee na Habrahaama da tii Sangband hɛn, l`tɔr há hɛm ɲmɛɛgt l`werii welee. Hɲn da her welee lee, há gwɛɛt hɛn tiim t ka ba jeegu. ²³ Welee nii gwɛɛt In hɔɔd *Wadbuudgan tii nn da her

Ya

t`jugun. Tii nnii na *Habrahaama da tii Sangband hɛn, d` hoh-wu na hɔma*. Lee, d` hoh-wu na *d` tuura*. ²⁴ N`yul na Sangband logl nid na hɔmwu hã ñmɛɛgt kaa, na lag há gwɛɛt hɛn tiim jugun n`jaf`.

²⁵ Ta deedg-n yaruut Rahaaba gwɛɛt! L`da ta ba yenmii. ¿Hã da ba sohdg *Yisraheel tigr tumtba haa n`ñmɛt n`werii-ba hurjeenu bá feta? ¿Lag ta hã ñmɛɛgb hãn da her bii nnii Sangband t`logm-wu na hɔma? ²⁶ Biilm, vohoom nn`ror gbanun lee, hũ kuum. Ta welee nnii, ka nida tia Sangband hɛn ka kpaá hɛna ñmɛɛgt t`weraa welee tii wii gwɛɛt hɛn tiim nn`ta ba kpiirñu.

Mad-n n`gelmii!

3 ¹ Mà teelba-n, l`kpañ hɔm na n`bɛm kɔd ka bag na n`weriim. N`miil na weriitba ten, t`yaagu kee kù hafr ka yata volbee reku. ² T`mɛmbee, t`titma kɔd. Hii há kpaá titma hã gwɛɛlbn wii ba na nidhɔma mɔm nnii. Hã miil hayenwu madm kpaalaa.

³ ¿T`hɛna lan n`ka mad deer?

¿Lag t`lɔɔ kɔñbiir d`noon na d`valgm-t? Tn hɛna welee lee, ¿d`ka kpaá tagd huru tn bag huu tututu? ⁴ Ta kpay-n meela gwɛɛt! Ka meel lafr la ba bermr wo ben, hãmbermm hɛfr-d, bà joowa-d n`bii tutugña d`ked jowda kan sɔkla na d`san ree. ¿Laa bee?

⁵ L`ta ba yenmii n`gelmga. Kan la ba na gbanu hulikaaga kiigan lee, kà yata kayenwu weriib.

¿Lag boglakɛkɛrga todaa raagu ka kù la ba bermgu wo bena? ⁶ Gelmga ta boo boglakɛkɛrga. Kà ba t`gbanun. Kee nnii bɛhgu bilga ká kpaá nyiida kee. Kà kohl n`ka tɔla gbanhuu menhuu. Kà sala taabuugu bogm m`kohlã nida neermii menmii.

⁷ Nida bea ka mad baa la kpaam dɔmtema. Mina nakpai hinaahi rem laa, ñmenii laa, dɔm m`balma mii laa, m`ba nyaamn mii.

⁸ Gelmga lee, hii kpañ hã bee hã mug-ka welee. Bii bɛhb biibn. Kà yatg lɛluub. Kà hugl n`nidkuuñã rafm. ⁹ Kee n`nnii tn nyɔka t`Sa Sangband, ta yengee n`nnii tn gwɛɛla nobɛfr t`nidtaaba kaa,



Deer noon kɔñbiir

l`ba na *Sangband mɛfra-ba bà tɔn-d*. ¹⁰ T`nyɔka n`noyendii ka ta gwɛɛla nobɛfr n`noyendii. Mà teelba-n, l`kpañ na l`bɛm welee. ¹¹ ¿N`nyin nyana nyaalm hawu mreñm gbuñ nyabilyend ni? ¹² Mà teelba-n, ¿haadgu ba kù bee kù rɔn jaamaa kpifi? Laa ¿*daam tibugu ba kù bee kù rɔn haada? Nyaalhɔmm n`nyaalyaargu kpañ l`bee l`rom bilyengan.

Rarbiilm kena n`nigiigu

¹³ ¿N`ni hii bee ka ba n`rarbiilm ka ta mi bii? Hã hɛm ñmɛɛhɔmt ka ta hohla hayen! Welee neermii weraa na hã ba n`rarm biilm. ¹⁴ Lee, ka nɔmmɔlga kimra n`kwɛɛwan kim kim n`helwa taa ka ta diila ñyen n`jugun n`jafhaa, ka l`ba welee, daa haariim-n na n`jafm ñyenwu yem! Daa bɔhɔɔm-n gokaat ka kir gobiint!

¹⁵ Welee rarmii ba rɛn sangbambiiimn, tantntina hɛn nidba hefl-m. M`rɛn kunidba man. ¹⁶ Nidba kan ba ka ba nɔmmɔlb ka diila bayen bà jugun n`jaf`ree, ta reekan nnii ln ba rɔk rɔk, hɛbbɛhb mɛmb ta ba kan. ¹⁷ Rarm m`rɛnna n`faaga mii lee, nooga safn, m`ba *kel kel, l`saa m`ta lɔɔ nigiiigu nidba huuga, ka ba heee, ka ba bulaa, m`yul nidba figm, m`hɛna ñmɛɛhɔmt, m`kpaá ñmɛta n`hii hɛn, m`kpañ noora hareh`.

¹⁸ Bá sɔkla nigiiigu bee tɔra bà tuurmba na bá yuuy nigiiigu. Bii ban buud bii ba b`rɔn bii hɔmb Sangband nɔngan.

Rafeedt n`kpaá kpaá magr n`sangbantiiba neerm

4 ¹ ¿Rafeedt n`kpaá mana tee n`huuga? ¿Lag neerm nn`neer mii kenna n`welee? ¿Welee kpaá gidwa n`ni gid gid? ² N`kpaá yuuyã nn`sɔkla bii. Lee, l`ka ked-n nidkuuñã weenn. N`niini kulaa want jugun, n`kpaá bea ka yuuyã-t. Tii kaa nnii rafeedt n`kpaá nn`ba n`huuga. N`kpaá yuuyã nn`bag bii, l`kɔtɔd na n`kpaá gbaama-b Sangband. ³ N`kpaá sohdã bii nn`gbaama-d bii, l`kɔtɔd na n`gbaama n`diilbɛha. Biilm, n`bagl na n`sohdg n`neer wo nn`sɔkla lee.

⁴ Nen, nen sadg ñyen n`Sangband nen, ¿n`kpaá mi na tant hɛn want sɔklb n`Sangband sɔklb kpaá laglan? Tii lee, há sɔkla tantntina hɛn neerm wii kitg Sangband rafeeda. ⁵ Daa miim-n na yem nnii *Wadbuudga nn`rea ka bɔhɔɔ na «Sangband bagl n`nɔmmɔlb *Vohoom dn lo t`ni mii!» ⁶ Gwentafhaa, d`hɔmgu yatg

Ya

bermgü. Biilm, Wadbuudga boho na *Sangband kir bá fuuraa bayen bee, ka hena bá hofla bayen n tiña bee homgu.* ⁷ Welee lee, hoflgn-n nyen n tiña Sangband nongan! Haflgn-n nyen n Kunida! Lee, hà siil voku n nn. ⁸ Nyohlg-n nyen n Sangband! Lee, d' ta nyohlg dyen n nn. Fubefhiiba-n, nit-n n' nifi! Mrehm kwewa tiiba-n, hig-n n' kwewa! ⁹ Loom-n diila n' beeb befih hen, n' kom ka jowdra! L' ba na n' lahm kitg kuumb, l' saa n' nyaagb ta kitg figm. ¹⁰ Hoflgn-n nyen n tiña Saberma nongan! Lee, hà vii-n n faaga.

¹¹ Teelba-n, daa gbahr-n taa! Hii há gbahr hà teel wii, laa há yaa n hà teel wii kohla *bahlb. Welee tiwii yaa bahlbii n yaagu. L' ba na há yaa bahlb n yaagu wii kpaa vala-b. Hà ba na yaani yaad nnii. ¹² Hayenfa loo bahlb, wii n jafh yaa yaagu, wii beel n gemmnt na hà dah nida jugu ka ta ba n gemmnt na hà borii-wu. Wii nnii Sangband. Ven de, ¿ ven nnii wen na v' yaam n v' nidtuura?

Yagtiiba n kwegdm tiiba bà gwæt

¹³ L' saa, nen, nen boho na jana laa su n' ba n' san korgu kuugun n' he kan bind ka hena yaku le, n' yuuh ligbiir nen, ¹⁴ ¿ n' miil su kaa neerm nn kee m' bem lee? ¿ N' neermii momm ba na bee? M' boo wiit, t' ror n boorm yelmaa. ¹⁵ Ln bem na n' bohoom na waa: «ka Saberma t sokl, t' neer ka hena bnañ laa bnañ!» ¹⁶ Ln ba na l' bem welee lee, nii t ka weraa nyen ka fuuraa nyen l' bahr n nn diila lee. Welee kaawfuurmii kpañ hom. ¹⁷ Lee, ka hii mi b' ba hom na há he bii n ka kpaa hena-b waa, welee ba na fubefgan.

5 ¹ L' saa, nen, nen ba na kwegdm tiiba nen, kewlg-n n man! L' ba na n' kom ka fiira l' bahr n befhu kú ba kú daan n' jugun kuu. ² N' keg t boodgn, dindiit t jum n' dimt. ³ Jankpalañm mada n' sika n' ligbia. Welee jankpalañmii ba m' riir wiingan n' nyaan na n' kohln. Welee ba l' di n' gbani wo bogm. ¿ Gokaawranhena ni nnii nn nyan na n' deeg n' kwegdm? ⁴ Nyaan-n! N' hogl n' dikahlogdba. N' ba faad-ba ligbiir ln ba na bá sohdg dii. Kewlg-n nan ban moo hmei! Bá hmeii taan Sangband tobrn, dii nnii tant ment Saberma. ⁵ N' neera kwegdm tiiba neerm ka sug n' lamæt hen ka hena nn sokla bii. N' kpaa mi bii b' hod-n bii, n' ka ju hom ka hena kpaara wo dom ban gwifaa na bà ku bà di mii. ⁶ N' mogra nidba bá ba n bà nyonyogm n yaa-ba n yaagu n kuum-ba, bà kpaa bag na bà fetg n nn.

Dii-n kwæwr, Saberma kennan!

⁷ Mà teelba-n, jum-n nan kwæwr kakeñnan Berm Yeesua hmetgnm! Tn kæml-n kpamb kpaada gwæt! Hà kool n ka ju kwæwr ka hod dikaft, tii beel-wu daft. Hà jul kwæwr kakeñnan sanoogrii n ta sakaawrii. ⁸ Nen tete, ta jum-n kwæwr welee, ka ba n hmeenm! Haflg-n n' kwewa na Saberma daanm ba nyoh'!

⁹ Mà teelba-n, daa nyeerm-n taa gwæt, ka lag welee Sangband nan yaa-n n yaagu. Nyaan-n! Yaagu yaada jefra fiid noon. ¹⁰ Tn ta deedg-n weem daa *gwæt bohooba gwæt! Bee da bam ka gwæla Saberma hidrn. Bà da diira kunyogu bii n la jum kwæwr. Togiim-n n ban!

¹¹ Kpay-n! L' boho na lamægu tiiba nnii bá la kpata n mug hom bee. N' da ta homra lan nnii Hiyooaba nn da la kpat ka mad hom hà kunyogun lee, n ta lan nnii kaann Saberma nn da faadr-wu bii. Biilm, Saberma yul nidba figm ka kokma-ba.

¹² Mà teelba-n, man bo na mà biir-n tii ba jeegu. Ka n' boho tiit, daa ta foorm-n! Daa foorm-n n sangbambii laa n tant! Daa foorm-n n bii jeenb biib! Bohoom-n kuyengu na fiin laa haai, kpaalaa nnii, ka bo na Sangband yaagu daa nan lor n' jugun.

¹³ Ka n' ni hii ba kunyogun, há seejm Sangband na d' torg-wu! Ka hii ba lamægun, há yuum yumii ka nyoka-d! ¹⁴ Ka n' ni hii ba n befii, há hoh kpaturu berbba, bà seen hà jugun, bà taadg hà jugun kpaam Saberma hidrn. ¹⁵ Ka bà seena ka gbaama Sangband ka ba n gwæt hen tiim, l' ba l' dah befhiwii jugu. Saberma ba hà vii-wu, ka l' ba na hà ta hera fubefga, l' waa-wu-ka. ¹⁶ Tii lee, bohoom-n taa n' fubefii ka ta seena taa hen na l' taadm-n! Nid há ba hom Sangband nongan wii seenb ba n gemmnt kod.

¹⁷ Tn ta kæml-n gwæt bohoob *Helia gwæt! ¿ Hà da kpañ na nid wo tn ta ba leen? Hà da seen n hà kwæwr mend na toru daa ni, l' hem bina hatañ n gidgu toru kpaa tefda. ¹⁸ Han dan n seen na kú ni lee, kú niim, dikahb t hel n roonm.

¹⁹ Mà teelba-n, ka n' ni hii t borii gobiint huru, há tuura t hmelgn-wu hú hen, ²⁰ há miig na nid há hmelgna fubefhiwu huru hen wii, hà dah fubefhiwii jugu, ka ta *hena na l' waa fubefii ka hi da la ba kod wo bena.*